

P. 29, L. -1【大經云】《大般涅槃經》卷 16〈梵行品 8〉：「有諸眾生，或必受苦，或有不受。若有眾生必受苦者，菩薩之慈為無利益，謂一闡提。若有受苦不必定者，菩薩之慈則為利益，令彼眾生悉受快樂。善男子！譬如有人，遙見師子、虎豹、豺狼、羅刹鬼等，自然生怖，夜行見杙亦生怖畏。善男子！如是諸人自然怖畏。眾生如是，見修慈者自然受樂。善男子！以是義故，菩薩修慈是實思惟，非無利益。善男子！我說是慈，有無量門，所謂神通。……善男子！當知皆是慈善根力，令彼女人得如是事，悲喜之心亦復如是。善男子！以是義故，菩薩摩訶薩修慈思惟，即是真實，非虛妄也。」(T12, p. 457, a23-p. 458, c19)

《阿彌陀經疏鈔演義》卷 1：「大悲即眾生緣。無心攀緣一切眾生。而於眾生自然現益。如涅槃經。我實不往。慈善根力。能令眾生見如斯事。」(X22, p. 727c22-24)

P. 30, L. 2【感應二字處中明矣】《法華文句記》卷 1〈釋序品〉：「門雖無量，神通攝盡；神通即是應之異名，對感即名，感應故也。然神通之名，義兼大小；感應之稱，唯局在大；大中通於地、住已上；今此，正當極果用也。故神通之稱，一名攝諸，尚得名略，義非廣略，豈不處中？能應既然，所應準此，故設應雖眾，不過於慈；求脫雖多，詎出於感，故感應二字，處中明矣。」(T34, p. 155a20-27)

「通論化事，十方六塵教法彌廣，是則約教處中不成。次釋者，今論娑婆，唯稟聲教，雖有顯密，若開若廢，望彼諸土亦名處中，是則令前聲教感應處中更明。「則甘露門開」者，則言乃表唯聲益故，實相為甘露，諸教為其門，門無開閉、理非通塞，此土入者不假餘塵，由之通理故曰門開。言「依教」者，應云聲教，但是言略，雖有滅後色經，乃至名句、行蘊所攝，淨名香飯及以法行思惟悟等，並以金口聲教為本，不少不多，故云明矣。」(p. 155a29-b10)

P. 30, L. 4【置指存月】《妙經文句私志記》卷 2〈從釋文方軌盡如是因緣釋〉：「如天上一月，影現百川，惑者但見百川多影，不知天上一質；智者以指示之，應知指在於一月，須置指以存月，豈可仍專於指而不觀於真月？乖於智者以指之意。豈可然耶？如來亦爾。從一遠本，垂於種種教化之迹，物雖覩斯迹，而都不知本。如來因以示之，應知迹在於本，須忘迹以尋本，豈仍專逐教迹而不更尋遠本？失於如來垂迹利益之意。豈可然耶！」(X29, p. 171c7-13)

P. 30, L. 6【如數他寶】《大方廣佛華嚴經》卷 13〈菩薩問明品 10〉：「佛子

善諦聽，所問如實義，非但以多聞，能入如來法。如人水所漂，懼溺而渴死，於法不修行，多聞亦如是。如人設美膳，自餓而不食，於法不修行，多聞亦如是。如人善方藥，自疾不能救，於法不修行，多聞亦如是。如人數他寶，自無半錢分，於法不修行，多聞亦如是。」(T10, p. 68, a17-27)

P. 30, L. 6【但觀己心高廣】《梵網經玄義》卷 1：「夫心者。不起而已。介爾有心。三千具足。……以眾生太廣。佛法太高。故且令觀心。庶易悟入。只此介爾極微劣心。三千性相炳然頓具。非前非後。不減不增。何以故？一念體圓。名為理具。隨起念時。即名事造。」(X38, p. 611, a10-23)《四明十義書》卷 1：「且如心性之名。妙玄及釋籤定判屬因。為初心所觀之境。故云佛法太高。眾生太廣。初心為難。心佛及眾生。是三無差別。觀心則易。是則諸佛亦有心。眾生亦有心。若隨淨緣。作佛界心。則高遠難觀。若隨諸染緣。作一切眾生心。則廣散難觀。故輒取一分染緣熏起。自己即今剎那陰等之心。依之顯性也。是則隨緣不變之性。攝佛攝生。亦高亦廣。不變隨緣之心。非佛非生。不高不廣。近而且要。是故初心最可託之修觀也。」(T46, p. 834, c24-p. 835, a4)《法華文句記》卷 1〈釋序品〉：「次明觀心者，亦先舉廣辨失；次但觀下，正明處中。……但觀心故，達己心之高深，見己本也；以理攝故，達己心之該廣，見己迹也。一念心起，徹實相底，故名為高；具足諸法，故名為廣。又即權而實，故名為高，即實而權，故名為廣。」(T34, p. 155c1-12)

P. 30, L. 9【大經云】《大般涅槃經》卷 20〈8 梵行品〉：「諸佛常軟語，為眾故說麁，麁語及軟語，皆歸第一義。」(T12, p. 485a7-8)

P. 30, L. -3【法寶、佛寶、僧寶】參見本書 p. 283《法華文句記》卷 1〈釋序品〉：「事論祇是信身子說，義當見佛。汝所說者必從佛聞，能聞之人必是聲聞、菩薩故也。故聞汝說，即是見佛等也。次結意者，所聞是法；於能觀心即名為佛，義當見佛；心所即是弟子等也。即於己心識三寶一體，其理宛足。」(T34, p. 156b12-17)心能觀，有觀智能覺悟，即名為佛。心所者，恆依心王而起，與心王相應，繫屬於心王，故指佛之弟子。